



SULEQATIGIISITSISUT
SAMARBEJDSPARTIET
UKA2019/86
Tillie Martinussen

10. oktober 2019

Unnuisarfinnut nunatta avataaneersunut unnuisunut nunatsinni unnuinermut akitsuummik takornariaqarnermut inuussutissarsiornikkut nunatta inuinit tamanut isertitaqaataasussamik siunnerfilimmik Naalakkersuisut UKA2020 misissuinissamik peqquneqarnissaanik inatsisartut aalajangiiffissaatut siunnersuut. Misissoqquneqarluni takornariaqarnermut innarliutaasinnaangitsumik nunat allat ilinniarfigalugit aqqissuussinissaq.

(Inatsisartunut ilaasortaq Aqqalu C. Jerimiassen, Atassut)

Qularutissaangilaq imminut nappassinnaasumik takornariartitsisarnissamik minnerunngitsumillu takornariartitsisarnerup siuartortinnissaa ataatsimoorluta pilersissagigut. Nutaamik allaanerusumillu eqqarsartariaaseqarnissaq pisariaqartinneqarpoq, tassungalu atatillugu suliniutit soorlu internetimi GuidetGreenland tamatigullu sulilluuartartoq Visit Greenland takornariartitsisarmilu suliffeqarfiit ingerlalluurtut allat nersualaarussuppagut.

GuidetoGreenland, namminersorlutillu ingerlatsisut allat, demokratiskiusorujussuarmik avitseqatigiilluni aningaasaqarnerup pilersinnissaa suliniutigaat. Tassa nunaqarfinni illoqarfinnilu kikkut tamarmik avannaaniit kujammut, kangianiit kimmut takornariartitsisarnermik pilersitsiniarlutik misigisassarsiortitsinissamik, angalaarnissamik allanilluunniit naleqquttunik neqerooruteqarsinnaapput. Tamanna soqutigingaarpog.

Takornariartitsisarnermi siuariartoqarunnaarnikuuvoq, naatsorsuinermilu kingullermi takornarissat ikilerialaartut takusinnaavarput. Pingaartumk Danmarkimii takornarissat takkuttarunnaarput. Aamma takusinnaavarput umiarsuarnik takornariartaatinik takornarissat nunatsinni unnuiffissani unnuineq ajortut pissusissamisoortumillu pissuteqarlutik takornariartaammi umiarsuarmiiginnartartut. Tamassuma kinguneraa tassangaannaq napparsimasoqalerpat, umiarsuaq uuliakuulerpat umiarsuarluunniit umiarpas isumalluutitta takornarissat immikkoortuisa ilaannit ilaatigut atorineqartarnerat.

Aamma umiarsuaq takornariartaat angisooq ajunaarpat ilaasullu amerlasuut annaaniarneqassappata qanoq iliortoqassanersoq eqqarsaatigeqqissaarneqarnikuunngilaq. Tamakku misissorneqarnissaat pingaaruteqannguatsiarpoq, siunnersuullu una eqqunngitsumik eqquissaaq, tassa assersuutigalugu takornarissat immikkoortui taakku eqqorneqarnaviangimmata.

Aamma isumaqarpugut apeqqutaasoq tamanna annertunerusumik nalilersorneqartariaqarnerasoq, tassani allanik iluaqutaasumillu akitsuuteqartitsinnaalluni, taakkulu qanoq aqqissuunneqartariaqarnerasut, taamaattoqassappallu akitsuutaasinnaasut nutaat taakku qanoq annertutigissanersut. Inuussutissarsiutip ajoqusernissaa pissusinngortariaqanngilaq..

Taamatut naatsumik oqaaseqarluta siunenrsuutip uuma itigartinneqarnissaa inassuteqaatigaarput.